

Bosna i Hercegovina  
Federacija Bosne i Hercegovine  
**TUZLANSKI KANTON**

**KANTONALNI SUD U TUZLI**

Broj: 003-0-Su-23-000 688

Tuzla, 14. juli 2023. godine

**NARATIVNI IZVJEŠTAJ KANTONALNOG SUDA U TUZLI O  
PREDMETIMA ORGANIZOVANOG KRIMINALA I KORUPCIJE  
ZA PERIOD OD 01.01.2023. GODINE DO 30.06.2023. GODINE**

➤ **PREDMETI ORGANIZOVANOG KRIMINALA:**

U izvještajnom periodu od 01.01.2023. – 30.06.2023. godine, pred Kantonalnim sudom u Tuzli, nalaze se u radu 3 predmeta organizovanog kriminala i to:

**1. PREDMET BROJ 03 0 K 019974 22 K**

Izvršenim uvidom u navedeni predmet, koji se vodi protiv optuženih fizičkih lica inicijala: I.P., N.H., N.I. i A.S., utvrđeno da je krivični postupak pokrenut protiv šest fizičkih lica, a zbog krivičnog djela – Organizovani kriminal – iz člana 342. stav 3. u vezi sa članom 2. stav 21. Krivičnog zakona Federacije Bosne i Hercegovine, u vezi sa krivičnim djelom - Prevara u privrednom poslovanju - iz člana 251. stav 3. u vezi sa stavom 1. Krivičnog zakona Federacije Bosne i Hercegovine i u vezi sa krivičnim djelom - Krivotvorenje službene isprave - iz člana 389. stav 1. Krivičnog zakona Federacije Bosne i Hercegovine. Dva optužena lica su u međuvremenu preminula, zbog čega je postupak u odnosu na iste obustavljen, dok se jedno optuženo lice od preostalih četvero nalazi van granica Bosne i Hercegovine, tačnije u Republici Sloveniji gdje je i nastanjeno, a zbog čega je predsjednik sudskog vijeća u ovom predmetu zakazao statusno ročište za dan 26.05.2023. godine, koje nije održano iako je optuženom licu nastanjenom u Republici Sloveniji poziv poslan putem međunarodne pravne pomoći. Statusno ročište je ponovo zakazano za dan 11.07.2023. godine, s tim što je branilac optuženog iz Republike Slovenije obavijestio ovaj sud da će pristupiti navedenom ročištu, ali da njegov branjenik nije primio prethodni poziv na adresi stanovanja, obzirom da često putuje.

## **2. PREDMET BROJ 03 0 K 019373 22 KPS**

Uvidom u navedeni predmet, utvrđeno je da je krivični postupak pokrenut protiv osam osumnjičenih lica inicijala: P.M., R.D., P.B., I.B., M.P., E.M, M.V. i B.F., a zbog krivičnog djela – Organizovani kriminal iz člana 342. stav 3. Krivičnog zakona Federacije Bosne i Hercegovine u vezi sa produženim krivičnim djelom zloupotreba položaja ili ovlaštenja iz člana 383. stav 3. u vezi sa stavom 1. KZ FBiH i u vezi sa članom 55. istog Zakona. Predmet se nalazi u „Kps“ fazi i optužnica je potvrđena dana 23.01.2023. godine, pa iako se nastoji izvršiti dostavljanje optužnice trojici optuženih, putem međunarodne pravne pomoći, isto je onemogućeno obzirom da su nastanjeni u inostranstvu i to koji na različitim kontinentima, a prema saznanjima suda na prostorima Indije, Saudijske Arabije i Engleske.

## **3. PREDMET BROJ 03 0 K 022418 23 K**

Izvršenim uvidom u ovaj predmet organizovanog kriminala, utvrđeno je da je krivični postupak pokrenut protiv osam lica inicijala: A.Š., A.R., D.K., DŽ.H., DŽ.F., E.K, R.Š. i S.Š. Glavni pretres je održan dana 12.06.2023. godine i na istom je pročitana optužnica, te su utvrđeni termini održavanja daljih nastavaka glavnog prtresa, kao i dinamika izvođenja dokaza. Naredni glavni pretres je zakazan za dan 26.06.2023. godine, na kojem će se izvoditi predloženi dokazi optužbe.

### **➤ PREDMETI KORUPCIJE:**

Pred Kantonalnim sudom u Tuzli nalazi se u radu 5 krivičnih predmeta korupcije za navedeni izvještajni period, i to:

## **1. PREDMET BROJ 03 0 K 017016 19 K**

Uvidom u navedeni predmet visoke korupcije, utvrđeno je da je krivični postupak pokrenut protiv pet fizičkih lica inicijala: A.J., A.H., H.G., M.F. i S.N., kao i pravnog lica „JUNUZOVIĆ – KOPEX“ D.O.O., te da su se nastavci glavnog pretresa kontinuirano odvijali do 15.06.2023. godine, kada je branilac optuženog, advokat Senka Nožica iz Sarajeva, zbog otežanog zdravstvenog stanja tražila odlaganje pretresa, obzirom da se u kratkom vremenskom intervalu nije mogla izjasniti o nalazu izvršenog vještačenja mobilnih telefona, a koji nalaz obuhvata 600 stranica. Stoga je njen zahtjev za odlaganje glavnog pretresa od strane predsjednika vijeća usvojen, ali zbog otvorenog bolovanja članice vijeća, Amire Ferizbegović, nije moguće zakazati novi termin nastavka glavnog pretresa.

## **2. PREDMET BROJ 03 0 K 022145 22 K**

Uvidom u ovaj predmet, utvrđeno je da je krivični postupak pokrenut protiv dva fizička lica inicijala A.B. i Z.A., te pravnog lica "FIBRAWORLD" D.O.O., a zbog krivičnog djela – Zloupotreba položaja – iz člana 383. stav 3. KZ FBiH, u kojem predmetu su se kontinuirano zakazivali nastavci glavnog pretresa. Zakazani nastavak glavnog pretresa za dan 14.06.2023. godine, nije održan, iz razloga što je ovaj sud izdao naredbu za finansijsko vještačenje, po vještaku finansijske struke Dujković Borislavu, te je nakon dostavljanja dopunskog nalaza od strane vještaka, sud dana 19.06.2023. godine, isti dostavio strankama. Obzirom da branilac optuženog koristi godišnji odmor u periodu od 04.07. do 20.07.2023. godine, to će se termin održavanja nastavka glavnog pretresa utvrditi kasnije.

## **3. PREDMET BROJ 03 0 K 019918 20 K**

Uvidom u navedeni predmet korupcije, utvrđeno je da je krivični postupak pokrenut protiv dva fizička lica inicijala: E.M., N.M. i pravnog lica Omladinska zadruga „Info-mreža“ sa p.o. Tuzla, u kojem predmetu je bilo jako teško održati glavni pretres obzirom na česte izostanke optuženih i njihovih branilaca, te provođenje dokaza na okolnost zdravstvenog stanja jednog optuženog lica, kao i podnošenja zahtjeva za izuzeće sudije. Posljednji glavni pretres održan je dana 07.06.2023. godine, kada su provedeni dokazi saslušanjem svjedoka i isti je odložen za dan 05.07.2023. godine. U ovom predmetu je predloženo 166 svjedoka, četiri vještaka, kao i provođenje obimnih materijalnih dokaza.

## **4. PREDMET BROJ 03 0 K 021219 23 K 2**

Izvršenim uvidom u navedeni predmet korupcije, utvrđeno je da je krivični postupak pokrenut protiv fizičkog lica, inicijala N.N., zbog krivičnog djela – Zloupotreba položaja ili ovlaštenja – iz člana 383. stav 3. KZ FBiH u vezi sa stavom 1. istog Zakona i u vezi sa članom 33. KZ FBiH u sticaju sa krivičnim djelom – Pranje novca – iz člana 272. stav 1. KZ FBiH. Naime, optuženi je zajedno sa svojim braniocem dana 03.03.2021. godine zaključio sporazum o priznanju krivnje sa Kantonalnim tužilaštvom Tuzlanskog kantona i po tom sporazumu je oglašen krivim, te mu je izrečena jedinstvena kazna zatvora u trajanju od tri godine i šest mjeseci, protiv koje je žalbu uložio branilac optuženog, a koju je Vrhovni sud FBiH rješenjem od 16.02.2023. godine uvažio, zbog bitne povrede odredaba krivičnog postupka, te prvostepenu presudu ukinuo i predmet vratio prvostepenom sudu na ponovno odlučivanje. Obzirom da je optuženi odustao od zaključenog sporazuma o priznanju krivnje, sud je zakazao glavni pretres dana 07.04.2023. godine na kojem su izvođeni dokazi saslušanjem svjedoka. Nastavci glavnog pretresa su održani 18.04.2023., 08.05.2023., te 17.05.2023. godine, a zbog korištenja godišnjeg odmora branioca optuženog, sljedeći termin nastavka glavnog pretresa je zakazan za dan 13.07.2023. godine. Dinamika suđenja se

kontinuirano odvija, iako se za adresama pojedinih svjedoka tragalo duži vremenski period.

## **5. PREDMET BROJ 03 0 K 023278 23 K**

Izvršenim uvidom u posljedni predmet korupcije, utvrđeno je da je krivični postupak pokrenut protiv dva fizička lica inicijala: F.B i Š.H., te da je nakon potvrđivanja optužnice, zakazno statusno ročište za dan 05.07.2023. godine, na kojem će se utvrditi dinamika suđenja, odnosno zakazivanje glavnog pretresa, te provođenje predloženih dokaza.

**PREDSJEDNICA SUDA**

Indira Hadžimehmedović